

PEKELILING PENTADBIRAN BIL. 18/2007

**PEMAKLUMAN URUSAN PEMILIHAN DAN PELANTIKAN
TIMBALAN-TIMBALAN NAIB CANSOLOR
UNIVERSITI TEKNIKAL MALAYSIA MELAKA**

Pekeliling ini bertujuan untuk memaklumkan urusan pemilihan dan pelantikan Timbalan-Timbalan Naib Canselor di Universiti Teknikal Malaysia Melaka.

2.0 Sebagaimana termaktub di bawah Perlembagaan UTeM, subseksyen 12(6) bahawa pelantikan Timbalan Naib Canselor dan tempoh jawatan dan syarat perkhidmatan lainnya hendaklah dilantik dan ditentukan oleh Menteri, selepas berunding dengan Naib Canselor, dan Universiti hendaklah terikat dengannya.

3.0 Seperkara yang berkaitan dengan para 2.0 di atas, menurut surat rujukan JPT.S(G) 2000/010/02/011(1) bertarikh 18 Disember 2006, Kementerian Pengajian Tinggi telah mengarahkan bahawa semua pelantikan Timbalan-Timbalan Naib Canselor di Institut Pengajian Tinggi Awam (IPTA) perlu dilakukan menerusi Jawatankuasa Pemilih yang dilantik oleh IPTA berkenaan. Pemakluman ini adalah berikutan daripada keputusan Kementerian untuk melaksanakan urusan pemilihan dan pelantikan Timbalan-Timbalan Naib Canselor secara telus, terbuka dan melalui proses yang teratur.

4.0 Di dalam Mesyuarat Lembaga Pengarah Universiti Bilangan 1 Tahun 2007 pada 25 Januari 2007, Universiti telah dimaklumkan mengenai arahan Kementerian Pengajian Tinggi dan telah bersetuju untuk mewujudkan sebuah Jawatankuasa Pemilih bagi pelantikan Timbalan-Timbalan Naib Canselor.

Keanggotaan Jawatankuasa Pemilih ini adalah terdiri daripada:-

- 3.1 Pengerusi Lembaga Pengarah Universiti sebagai Pengerusi;
- 3.2 Ketua Setiausaha Kementerian Pengajian Tinggi atau Ketua Pengarah Jabatan Pengurusan IPT;
- 3.3 Naib Canselor;
- 3.4 3 orang Ahli Akademik yang dinamakan oleh Senat dan dipersetujui oleh Lembaga Pengarah Universiti;
- 3.5 Pendaftar sebagai Setiausaha.

4.0 Pemilihan akan dilakukan secara terbuka oleh Jawatankuasa Pemilih ini dari kalangan calon-calon yang memohon atau calon yang namanya dicadangkan oleh pihak Universiti.

5.0 Kriteria-kriteria yang dilihat bagi pertimbangan pemilihan Timbalan-Timbalan Naib Canselor adalah seperti berikut:-

- 5.1 Terdiri dari kalangan ahli akademik yang cemerlang, berwibawa serta mempunyai ciri-ciri kepimpinan yang cemerlang;
- 5.2 Mempunyai pemikiran dan sikap proaktif serta mampu mengurus kepelbagaian dalam apa jua situasi;
- 5.3 Seseorang yang mempamerkan sifat kepimpinan melalui teladan kepada mereka yang di bawah pimpinannya;
- 5.4 Mempunyai perwatakan yang dinamik serta bertanggungjawab dan komited kepada tugas dan bertanggungjawab berdasarkan nilai-nilai murni masyarakat dan negara;
- 5.5 Berkeupayaan mengenal pasti konflik dan mengurusnya dengan baik serta berhemah;

- 5.6 Mempunyai potensi untuk menyumbang secara berkesan terhadap Universiti dan pendidikan tinggi negara secara keseluruhannya.
- 6.0 Bagi melaksanakan arahan Kementerian ini, perkara-perkara di bawah perlu diambil perhatian oleh semua staf khususnya staf-staf akademik:
- 6.1 Pihak Universiti menerusi Surat Pekeliling Pentadbiran akan memaklumkan kekosongan jawatan Timbalan-Timbalan Naib Canselor dan menjemput permohonan-permohonan bagi pengisian jawatan tersebut. Di samping itu, pihak Universiti masih juga berhak untuk mencalonkan mana-mana calon yang dirasakan sesuai;
 - 6.2 Proses pemilihan akan dilaksanakan oleh Jawatankuasa Pemilih bagi pelantikan Timbalan -Timbalan Naib Canselor;
 - 6.3 Perakuan Jawatankuasa Pemilih bagi pelantikan Timbalan-Timbalan Naib Canselor ini akan dikemukakan kepada Mesyuarat Lembaga Pengarah Universiti sebelum dimajukan kepada pihak Kementerian Pengajian Tinggi untuk kelulusan.

Sekian, harap maklum.

“KOMPETENSI TERAS KEGEMILANGAN”

Saya yang menurut perintah,

HASAN BIN SIRUN

Pendaftar

s.k Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Pegawai-pegawai Kanan